

浓浓上海闲话 唯有新民晚报

掰枪学讲上海话人多了

文 / 郭善根

依讲伊讲

有段辰光我心里向老甬【wek】塞个。一趟子去超市买电烤鸡,店家论只买个,我指着一只个头比较大个电烤鸡对营业员讲“告我拿【ne】甬只”,勿晓得伊睬也勿睬我,我又讲了一遍,竟拔迭个外地人“训斥”：“讲普通话!你讲上海话我不卖给你,我们听不懂上海话!”。还有一趟,听到隔壁上幼儿园个男小囡回到屋里向教训伊拉外公：“我们老师说,要讲普通话,外公,你再讲上海话我就不理你,我告诉老师去!”。拉拉单位里,新进个大大学生是外地人多于上海本地人,勿要讲开会个辰光清一色讲普通话,就是平常个交流也是普通话,讲上海闲话个简直成了“少数民族”了,乃末苦煞我迭个的的刮刮个老上海。我接个电话,上海普通话末疙疙瘩瘩勿连贯,还走调,上海同事听了要发笑;讲上海话呢,是顺畅了,意思也表达清楚了,可电话对方却讲勿晓得我讲啥,要我讲普通话。真为难我啊!依讲温塞哦!

掰枪电视浪、报纸浪侪辣海讲,“上海小囡勿会讲上海闲话了”,“讲上海闲话个播音员阿富根寻勿着接班人了”,“电台、电视浪讲上海闲话个节目阮没挺几个了”,我还发现东方网原来有个“学讲上海话”栏目也阮没了,让我迭个老上海急煞,上海闲话哪能了?难道真要断种了?上海闲话有伊个地域特征,形神兼备内涵丰富,是普通话勿能替代个,是勿应该也是勿会断种个,不过传承上海闲话勿便当,是“任重而道远”,要靠方方面面齐努力。



麟康/画

“海纳百川”,上海敞开大门欢迎全国各地同胞,以致外地来沪人口逼近上海本地。但“入乡随俗”,到上海讲上海话必然无可非议,就像到美国需讲英语一样。来沪个外地同胞学眼上海话,听懂上海话,迭个也无妨哦,也便于伊拉真正融

入上海。上海个机关、企事业、学校等部门勿应阻止而且可以创造上海话个学习、交流个条件,电台、电视、报纸等媒体可以而且应该辟出专门个栏目传播上海话,造成上海话个生存、发杨、传承个良好环境,迭能样子上海闲话个传承是指日可待个。

我甬个人蛮财迷个,眼睛一瞄到“有奖”两个字,保准发光,凡是夜报浪向出个有奖答题,我侪老起劲参与个,尽管从来阮没得过奖,有一眼眼逼塞。当我一发现《上海闲话》专版浪要求回答关于“张行”个趣味题个辰光,眉花眼笑,兴奋得豪横拿起笔来答题,因为甬5道问题对我来讲实在是毛毛雨,阿拉一枪头通过。阿拉更加硬杠个是,我还有一张张行刚出道辰光参加吉他演唱会的个节目单。哪有哦?

讲起甬张节目单,是我前两年拉拉文庙旧书摊浪淘来个。现在回想起来,埃天介交关收藏爱好者兜来兜去侪阮没看中伊,倒是跟我有缘,拨我“捡漏”了。节目单(见附照)24开大小,一折三,是1984年9月为了庆祝中华人民共和国建国35周年,共青团上海市委宣传部联合《青年报》社主办个“上海青年吉他演奏弹唱音乐会”专门印制个节目单。音乐会顾问搭指挥侪是谭冰若和奚培坤,是当年上海音乐界个著名人物。张行甬辰光还阮没啥名气了,伊排拉第3个出场,唱了3只歌,

收藏
淘得来个节目单

文/徐鸣

分别是:台湾歌曲《中华民族》、台湾校园歌曲《夜火》、台湾歌曲《阳光和小雨》。甬三只歌我好像阮没啥听到过?伊个《迟到》吾倒是背得出个。顶有意思个是,当时赞助演唱会个“飞乐电声总厂”、“第六衬衫厂”,我估计现在也阮没了,勿过我甬张节目单倒是帮伊拉留下来一眼历史痕迹。万万阮没想到,当初还是小青年个张行,现在搞了介大,伊几十年个拼搏真个勿容易啊!上海还是蛮爱惜人才个。甬趟伊回上海只开一场演唱会,我老想拿甬张节目单送拨张行,伊自家估计阮没保留,但愿我拉拉《上海闲话》版面浪能够中奖。



张行邀请依听伊唱歌50名获邀名单

(阿拉将以快递方式送到)

国和一村卞盈然 陈正凯
延安东路刘丽琳
常德路杨保飞
黄兴路张智玲
水电路徐鸣
田林四村张智慧
真北路沈建华
甘肃路刘佳宏
运光路郑顺根
控江路黄依韵
荣华东道谈惠芳
松花江路陈真琳
汉口路范品泉
宝山路刘小明
恒丰路蒋丽娟

建国东路杨肖嘉
江场西路刘有仁
中漕路邹蓉
万源路王冠曾
阳泉路翁福珍
控江路黄而灵
建平中学西校卫晓燕
天钥桥路王玉佩
张虹路钮彩英
田林12村张朝辉
上陇新村顾琼
嘉定万镇路洪流
沪太路李啸玲
通河三村余珍
栖山路马燕

金汤路岳永发
真光新村马德琴
嘉定张马路陈岩
蓝村路黄巍
仙霞路吴彬
新村路丁万红
东海商业中心杨丽斐
国和一村刘国明
四平路曹海
梅陇三村吴薇华
曲江路侯晨轶
丰谷路孙东权
张马路陈若
南码头路孙建民
南码头路赵俊霞

老上海个菊展

文 / 朱少伟

秋深霜浓,申城各大公园侪要举办勿同规模个菊展,里向头琳琅满目,千姿百态。实际浪向,爱菊赏菊个风俗拉拉上海由来已久。

菊花是“中国十大名花”之一。老里八早,闲居吴淞江下游一带个文人墨客,到了重阳就流行垃庭院里向芸萃名菊,邀请朋友一道赏菊赋诗,譬如《上海地方志物产资料汇编》记载:“元(代)谢伯理居松江……九月会友,园丁以佛顶菊献。”甬种小型个菊展,后来就慢慢演变成盛大个“菊花会”。拉拉晚清,同治《上海县志》记载:沪郊“菊种类甚多,城乡畦种,花时成市”。每逢菊花怒放,四乡百姓纷纷前往上海老城厢个丹凤楼(遗址位于今丹凤路近福佑路处)、大境阁、豫园,争相观赏风情万种个“菊花会”,甬眼地方真是人如潮涌,盛况空前。其中,豫园个“菊花会”顶壮观,王韬个《瀛壖杂志》记载:“菊花会多在九月中旬,近或设于萃秀堂门外,瘦石疏苔,曲廊小榭,已觉萧然有秋意。绕湖石折而东北,境地开朗,遥见菊影婆娑,毕呈眼底。循回栏而入,则万卉齐花,高低疏密,罗列堂前,斐几湘帘,瓷盆竹格,无不尽态极妍,争奇斗胜。”迭搭块个各种菊花由于有场景衬托更加显得别具一格,大家侪为能一睹而后快。

甬个辰光,上海一些个营业性私园,同样会垃深秋举办“菊花会”。其中闸北唐家弄徐园即双清

别墅(遗址位于今天潼路814弄35支弄)个“菊花会”影响顶大,伊面个展品有几十种,开头以本园为主,很快发展到以向各园圃征集为主;由于展示场地有限,园主就以七天为一“集”,拿勿同花期个菊花分四“集”展出跟评比,并附带推出“菊花诗会”、“菊花画会”、“菊花曲会”、“赏菊宴会”。徐园个“菊花会”系列活动,因为迎合了社会中、上层人士个喜好,所以长久勿衰。另外,上海租界当局也勿得勿“入乡随俗”,垃拉蔌花会会员个展赛中,让菊花跟洋花一道亮相;外滩公园(今黄浦公园)附属花圃秋季举办个小型花展,也出现菊花。到仔清末民初,沪郊乡民勿再进城赏菊,而时兴垃拉集镇“赛菊”。一到“秋风起,菊花黄”个季节,每户人家侪会搬出自种个菊花,摆到附近闹猛个地方,由公众评选“菊花王”;夺魁个“艺菊主人”,总归交关开心,还邀请邻居来吃酒庆祝。民国《宝山县志》记载了甬种民风:“(乡村)菊种类甚多,九、十月间开会比赛,多至数百种,数千盆。”

甬歇,上海个菊花勿仅出口海外,而且名品越来越多。垃拉本地菊花传统造型当中,特别有趣个是:“大立菊”,一根壮实枝干浪竟会绽放成百上千朵花,均匀整齐,美如织锦;“悬崖菊”,从高处宕下来,邪气像一座开满鲜花个悬崖,拨了大家一泻千里个感觉……



沪滨码头

第四十八期题目

依要学讲上海闲话,也要晓得上海历史。下面是几道有关上海历史个题目,依看看自家晓得多少? 欢迎参与有奖答题。

1.《南京条约》签订以后,上海成为了五个通商口岸之一。啥辰光上海正式开辟为通商口岸,简称开埠。()

- (1)1840年1月1号 (2)1842年10月1号
(3)1843年11月17号 (4)1841年9月1号

2.有轨电车顶早垃拉上海出现个辰光,赛过像火车出现一样轰动。葛末依晓得上海是啥个辰光开始出现电车个?()

- (1)1903年 (2)1906年 (3)1907年 (4)1908年

3.1905年,上海有了第一部电梯。甬部顶早出现电梯个建筑物叫啥个名字?()

- (1)国际饭店(2)和平饭店南楼(3)锦江饭店(4)东亚饭店
4.上海啥个辰光开始有了自来水?()

- (1)1879年 (2)1880年 (3)1881年 (4)1883年

5.上海是阿拉国家顶早使用煤气个城市,请依讲出是阿里一年?()

- (1)1865年 (2)1869年 (3)1870年 (4)1864年

6.老大昌、老大房、利男居搭采芝斋是近代上海邪气有名个老字号食品店,依能勿能讲清爽伊拉个创办辰光搭仔特色???()

- (1)1851年创办个以经营苏式糕点个“老大昌”
1938年创办个以经营苏州糖果、蜜饯、炒货个“老大房”
1937年创办个以经营糖果搭法国风味西点个“采芝斋”
1902年创办个以经营广式糕点个“利男居”
(2)1902年创办个以经营广式糕点个“老大昌”
1938年创办个以经营苏州糖果、蜜饯、炒货个“利男居”
1851年创办个以经营苏式糕点个“老大房”
1937年创办个以经营糖果搭法国风味西点个“采芝斋”
(3)1937年创办个以经营糖果搭法国风味西点个“老大昌”
1851年创办个以经营苏式糕点个“老大房”
1902年创办个以经营广式糕点个“利男居”
1938年创办个以经营苏州糖果、蜜饯、炒货个“采芝斋”
(4)1851年创办个以经营苏式糕点个“采芝斋”
1902年创办个以经营广式糕点个“老大昌”
1937年创办个以经营糖果搭法国风味西点个“利男居”
1938年创办个以经营苏州糖果、蜜饯、炒货个“老大房”

兴趣有奖猜题答案

- 一. hang
二. 上海首届青年吉他大奖赛
三. 《成功的路不止是一条》
四. 《同一首歌》
五. “你到我身边,带着微笑。”

第四十七期题目答案

- 1.a 2.b 3.a 4. c 5.b
6.c 7.b 8.b 9.d 10.b

第四十七期获奖名单

来信 宛平南路朱步升
宜川五村刘祖炳
国顺路沈海蓉
徐汇百花街吴方忠
E-mail 程嘉 毛辰石 罗光菊
宋宗平
手机短信 136上海闲话 9455
136上海闲话 5488

老上海茶馆

优胜者请至上海老街(方浜中路385号)“老上海茶馆”领取。电话:53821202

答题请寄威海路755号新民晚报活动专版“上海闲话”栏目收

邮编200041 E-mail: lvz@wxjt.com.cn
手机用户编辑 OA+留言或答案发送到10621062 (0.5元/条,不含通讯费)